

January 1935

越南篇

Zunxian HUANG

Follow this and additional works at: http://commons.ln.edu.hk/ljcs_1929

 Part of the [Chinese Studies Commons](#)

Recommended Citation

兼遵憲(1935)。越南篇。《嶺南學報》，4(2)，153-156。檢自：http://commons.ln.edu.hk/ljcs_1929/vol4/iss2/7

This Article is brought to you for free and open access by the Scholarly Publications of Lingnan University (Guangzhou) at Digital Commons @ Lingnan University. It has been accepted for inclusion in 嶺南學報 Lingnan Journal (1929-1952) by an authorized editor of Digital Commons @ Lingnan University.

越 南 篇

黃 遵 憲

於戲我大清堂堂海外截封貢三屬藩有若古三葉流求忽
改縣句驪不成國右臂既恐斷兩足復悲別今日南越南戎
夏又交梓芒芒弔禹跡眼見日乖刺溯當始禍萌事由一身
齟無端犯王師妄持虎須捋天威震疊久又恐張撻伐當有
祆教僧教以求佛法鋌鹿急難擇飲鳩姑止渴爾時路易王
挾強逞饕餮假威許蒙馬染指思食鼈雖逢國步艱鞭長遠
莫及南北萬里海從此生交涉道咸商賈來來往寄蕃船偶
思許田假遂挾秦權喝搏兎逞獅威含鼠縱鴟嚇可憐雄
王蠢蠢正似鴨豐岐初王地手捧土一撮弱肉供強食一任
鸞刀割神弩不能爲天柱亦隨折尾擊須彌翻掌鳴太華擘
山河寸寸金攫取到手滑新附裸狼臙今復化鬼蜮海口扼
爾吭定知國難活同治中興初滇南擾回鶻購運佛郎機苦
嫌烏里闊時有西域賈請從問道達直溯富良江萬里若庭
闕一符挾萬鎗絕無吏糾察歸言取九真無復煩兵卒但鳴

一聲磔全國歸鈴轄豕蛇薦食心聞此益堅決遂以法王法
運彼廣長舌到今割地約終畫花名押緬稽白雉來初見於
越納眉珠竊弩歸每每附南粵顛輿等附庸思摩當一設或
隨降王挺或拜夫人節中間賢大守龍度推士燹遠地日歸
化常朝非荒忽唐初設都護窮海益震懼安南僅道屬何嘗
稱國別陵夷五季亂漸見蠻夷猾曲矯與吳丁擁兵日猖獗
方歎黎侯微又歌李華發陳氏甫代齊虞公復不臘中朝節
度名初未敢抹撥帝號聊自娛後乃縱僭竊壯哉英國公桓
桓仗黃鉞三擒名王歸懸首在觀闕龍編入鱗冊得地十七
八復古郡縣治南人咸大悅狼子多野心豨勇復冒突疆場
互彼此王命迭予奪逮明中葉後中乾國力竭置君無定棋
遣將多覆轍遂議珠崖棄坐視金甌缺巍峩鬼門關從此淪
異域夜郎妄比漢更有吠堯桀黎莫新舊阮此亡彼興勃版
圖二千年傳國數十葉雁去復雁來狐埋更狐搯蠻觸雖屢
爭同種出駱越得失共一弓磨擊非兩鉞而今入法界盡將
漢幟拔吁嗟銅柱銘真成交趾滅乾隆全盛時四海服鞭撻
忽有黎大夫求救旄邱葛興滅字小邦皇皇大義揭出關萬
熊羆一月奏三捷元夜失崑崙忽爾全師蹶猿鶴與沙蟲萬
骨堆一穴爾時金以平國威震窮髮方統羽林軍大會長揚
獵西北五單于渭橋伏上謁當此我武揚何難國恥雪鵬勳

索倫兵人人肅慎箚倘命將軍行徑取此獠殺廢藩夷九縣
明正蹊田罰赤土與朱波左提復右挈凱樂奏兜離文化拓
蒼頡或者南天南盡將海囊括胡爲奸虜謀轉信中行說金
人作代身非人究是物桃根將李代壹意防蟲嚙是何黎邱
鬼變態極詭譎謂秦豈無人爾蠻何太黠妄稱佛誕日親拜
天菩薩化身魔波旬竟許日三接直從仇虜中躋之親王列
哀哀馬革尸棄置情太愨贗鼎納神姦於史更污蟻明明無
敵兵忽當小敵怯豈其十全功勢成強弩末抑當倦勤年樂
聞有苗格每論武皇功怪事呼咄咄噫嘻大錯鑄奚啻九羽
鐵邇來百年事言之更盛額國小亦一王乃作無賴賊烏膾
十總兵叅盜縱出沒國餉藉盜糧公與海寇結嗣後紅巾亂
更作狼鼠窟外人詰庇盜遇事肘屢掣王師迭出關徒作驅
魚獺聞今越南王自視猶滕薛君臣共鼾睡妄是他人榻無
民即無地地維早斷絕黃圖轉綠圖舊色盡塗抹譬如黑風
船永墮鬼羅刹何時楚南土復編史檣杙滇粵交犬牙無地
畫甌脫舐糠倘及米剝膚恐到骨不見彼波蘭四分更五裂
立國賴民強自棄實天孽不見米利堅終能脫羈縲我來浪
泊遊仰視鳶跼跼神祠銅鼓聲海濤共嗚咽精衛志填海荆
卿氣成蜺安得整乾坤二三救時傑共傾中國海灑作黃戰
血地編歸漢里天紀亡胡月

跋 語

先祖人境廬詩草手定稿本卷四原有越南篇一首，大約係光緒十一年（公元一八八五）先祖在美舊金山總領事任上，聞越南之喪失，感而作此者。宣統三年（公元一九一）家刻付梓時，不知何故，竟爾漏去此篇。茲特檢出先行刊載本報，以餉世之好先祖詩者。俟異日重刻時再行補入詩草也。

孫延武謹識 民國廿四年五月